

三十三冊

卷之三十三

華東玉簪編一

林下筆記





林下筆記卷之三十三

華東玉振錄目錄一

康熙御璽銘

烏雲帖

唐漢光武氏造新


新翁沈碑

石墨書林

崇寧鏡

八角鏡

高麗金銀器種品





林下筆記卷之三十三

華東玉簪編目錄一

康熙御硯銘

烏雲帖

牛溪先生真迹帖

豹翁瓷碑

石墨書樓

崇寧鏡

八角鏡

高麗金鑲梅檀品帶

帶鞘

御前樂

崇禎宮人屈氏琵琶

拋毬樂

舞鼓

江南鼉鼓

韋布製進樞聯

日本乞書東人

金門墨緣

尹忠愍碑一段



翁氏蘓齋之稱

晉十四帖

李北海書大照禪師碑

趙文敏筆評

魏國管夫人帖

樂志論天馬賦帖

東坡像

毗陵先生

東坡集註

天冠山帖刊字



質詩家

雜書詩

中古善傳神者

皇明祖宗

元遺山詩

古東尚書  
絳帖

夢詩  
是成

東人論詩

舊蘭亭會

嵩陽帖

見詩知人

天然如意研

白月碑瓦

隨清娛帖

諸詩體

今詩與古詩同

海東繹史

安平大君書

宋黨元

灣館盛會



泃上樂府

論錦舫荷裳詩

吳道子石刻

尺牘

葉東卿書

麗季八隱

前生伉儷

鑿池得印

太極圖狀

壽春古蹟



松坡長老

施藏經碑

宋吉人羊毫

覆甌四部稿

斗室詩

朴荳溪惜名

朴荳溪罕笑

哉哉詩

滿月臺懷古

猗蘭操異石甘露二帖同異考

曹宅雅集

岳綠春蕙蘭圖

完壁帖

嵩綠草

劉松年畫卷

七佛偈

二指大端硯

螺填

金鳳染指

婦人拜

禁髷製冠

仕女倚倦圖

贈老妓詩

朝雲愛詩

秋香繡詞

元宮人墓

景蕙女史

諸女史

洪攸困札

天鹿圖



方言

明月去月之稱

忌日忌月

避諱

生壙

合葬

改葬

神道

墓誌銘

碑表誌銘之別

行狀

樂石

李陵碑

董帖洛神賦足本

書畫卮

毛延壽

三好

畫讀書十三則

李陶庵竹枝詞

秋興唱酬卷

隸書始於程邈

遠照老人隸書

翁覃溪蘓氏補注

子午泉

來霞閣

休谷題額

嘉隆玉佩詩

眉叟玉鑒



林下筆記卷之三十三

月城李裕元景春輯

華東玉糝編

日得一葉附之編尾乃續錄古今詩話及書  
畫諸譜之所剽竊者棄之可惜與東人語雜  
而書之作為二編亦可謂華東玉糝也

康熙御硯銘

康熙御銘松花石硯其銘曰壽古而質潤色綠而聲  
清起墨益毫故其實也十八字楷書小璽文曰康熙  
宸翰此硯曾見汚於翠雲樓中終歸于養研山房

烏雲帖

天際烏雲帖云僕在錢塘一日謁陳述古邀余飲堂  
前小閣中壁上小書一絕君謨真迹也約綽新嬌生  
眼底侵尋舊事上眉尖問君別後愁多少得似春潮  
夜夜添又有人和云長垂玉筋殘粧臉肯與金釵露  
指尖萬斛閑愁何日盡一分真態更難添二詩皆可  
觀後詩不知誰作也查初白蘓詩補註以為過瀛州  
驛見蔡君謨題詩壁上云余見唐人筆記抄而錄之  
以脩考訂

牛溪先生真迹帖

牛溪先生記鄭學官希繩言曰五月三日鄭君訪我  
永柔西谷山家言我家藏獲在谷山西面頓寧坊島  
音洞夙聞深山絕境可以避世亂生之初自京城奉  
慈親與兄弟妻孥往赴之至則奴迎拜掃正堂以居  
之凡留三箇月供奉無倦色觀其地在深山長谷絕  
遠之域但有奴家三五舍覆以板子四山高峻宵林  
蔽日石泉甘冽蔬菜甚饒焚山種粟豆菽富足閔月  
經時外人不至世間音信聲響斷絕真所謂人間無  
路訪安危者也倭賊所至四面皆至數百里外雖舉  
國鼎沸兵燹滔天閉戶安眠不知有何事也然地高



而寒洞僻而深君子居之亦近於同羣鳥獸正宜令  
日避亂之所而商嶺王官不厭其深者也谷山郡西  
三十里有村曰明媚山川灑落洞府寬閑大溪橫流  
其中土沃而人稀有民亦七家當卜居其地有兵火  
則入鳥音避之可以全身遠害於斯世也余聞其言  
不覺慨然書于此而時閱之以寓遐思焉鄭君名象  
武字希繩能文善書貌偉而志大決非俗流之趨利  
者余深喜之而不能款晤以扣其學也癸巳五月十  
三日書于遂安之民舍渾志此帖少時曾一寓目於  
養研山房

豹翁瓷碑

姜豹菴尚書蚤子時於宅邊掘地得瓷碑一面青字  
李白桃李園序不知誰書也至今子孫秘寶

石墨書樓

翁文達石墨書樓有名於中州昔臬溪老人有歐  
陽率更化度寺寇禪師塔銘即洛陽范氏書樓中石本  
此為歐書之天下第一烜赫迹也因以后墨為書樓  
之名而繪范氏書樓圖圖成又五年始得保安寺街  
小樓三楹而居之又刻一印此為石墨書樓印之本  
末也

崇寧鏡

長湍人發古塚得甕罍崇寧錢銅鏡錢隨手即壞鏡  
作徐耶翁研輔所度圓徑三寸有奇背鑄盤龍面微  
凸正古所稱衛家聚形鏡身綠斑透出膚理望見可  
知為入土千年物可懸此為鑒定古銅之玉尺也

八角鏡

金尚古堂孫魯鍾藥兄泰仁君萬鍾於長湍山中治  
壙得古人殉物宋錢數百枚皆元豐通寶即所謂青  
苗錢也八角鏡一面銘曰湖州真正后念二叔照子  
鑒人面清如明奇物也古人多以如字作而用



高麗金驤梅檀品帶

麗太祖二十年金湧獻玉帶大十圍六十二銖即真  
平王所謂聖帝玉帶也世為國之鎮寶垂四百年獻  
之福州令安東地恭愍王避紅頭亂于此以所御荔  
支金帶藏之太師廟鄉吏為戶長者帶之此古帶之  
所由也金驤梅檀帶刻雲龍象極精巧銖背有款曰  
王氏元年秋七月宮人尹英花十二字此帶自大內  
賜錦城尉朴明源尚和平翁主者也

帶鞵

御玉帶鞵紅色黻袍則素玉帶用青鞵世子亦玉帶

而紫韉也朝臣添色韉或青色近日侈風太盛各務其新有紫色為韉者久不見春官厭章故也宋時一朝士以紅為韉御史論奏以此觀之天子亦用紅韉可知也

### 御前樂

梨園樂其曲不一動駕殿座時鼓吹與民樂內殿靈山會像世子宮步虛詞而與民樂步虛詞私家不得奏之所謂俗樂靈山會像與細靈山而念佛令路曲令恒用於路工軍樂惟武安之樂公私通用至於雅樂俱從樂章而奏之廟樂也

崇禎宮人屈氏琵琶

屈氏蘄州良家子幼選侍長秋殿崇禎末李自成陷  
京師屈氏逃匿民間及自成敗屈氏為清九王所獲  
常置軍中戎昭顯世子質于藩以屈氏隸為竟徙至  
國屬萬壽殿事莊烈王妃屈氏善琵琶又能操禽獸  
指使無不如意有子弟進春者並傳法孝廟嘗詢髻  
制於屈氏令士大夫髻制出自屈氏屈氏常泣然北  
望年七十餘將死語其人曰幸埋我西郊路不忘首  
邱也肅廟命廣平田氏主屈氏祀歲給祭需田氏亦  
明朝尚書應揚之後云其嘗所御琵琶紫檀槽文理



盤虺光鑒毛髮後人乃為淘井之具姜若山得之調  
律大有雷輶之美余從若山一番玩賞泠泠有屈氏  
哀怨之聲

拋毬樂

平壤樂府牡丹妙於歌曲今拋毬樂旌節歌曲猶傳  
牡丹音調

舞鼓

舞鼓古無歌詞正廟時始有御製一曲月上鷄鳴即  
其詞也黃州有此曲余見閩北有舞鼓致詞曰阿弄  
多弄欲少年即太祖大王幸咸興御製云

# 江南鼉鼓

杏村水漲有人於水面撈得一鼓細釘而髹漆形製極古雅腹中如有金聲打之殆若武夷幔亭會劉小禽之坎鈴鼓也燕中亦無此製必是江以南古器也

## 帛布製進極聯

正宗甲寅命申緯撰書香閣極聯又命竹石徐閣學書進以帛布年少得與是命以為平生榮

## 日本乞書東人

日本永源菴僧通銓越海萬里重譯乞書藏室碑于養研老人其文畧曰本師釋迦牟尼世尊自鹿野苑

至跋提河演說妙法開示羣迷四十九年不說之說  
曰修多羅藏曰阿毘曇藏曰毘尼藏及與諸大菩薩  
諸大羅漢震朝諸大祖師之撰述詔錄入藏者總曰  
之一切經然傳于本朝者有趙宋版有胡元版有朱  
明版有高麗版而宋元明各多舛誤獨高麗最勝寬  
文年間鐵眼禪師翻刻明本於黃蘗山角末庵處得  
置藏室箇箇得看聖教鐵眼為人之功侈矣天保七  
年歲次丙申二月二十二日洛陽建仁三百四十七  
世永源菴守塔慈祐則堂望通鈺撰朝鮮吏曹參判  
申緯書余曾見此本白絹畫朱絲欄楷字書之



金門墨緣

養研老人語余曰吾入銀臺自視黃面老子不堪作  
顧影少年態猶幸與秋史內翰與會日繁秋史每有  
名茶新瀹命侍童挈一甌至一日送茶少焉秋史亦  
來袖示漱金小箋上有詩吾曰君詩思敏妙在一煎  
茶頃秋史笑曰果在扇鑪間得爾又從秋史見近刻  
劉松嵐詩集卷首有尊序者仍與商略詩求杜法之  
旨間攜致敬藏扶雪堂帖尊書對子一聯孤雲處士  
玉振鵬茗溪高隱圖一軸右三種書畫對榻審定以  
證金門墨緣秋史又為吾出佳紙丈餘濃堆墨作碧

蘆舫隸扁傑然可畏院中老吏見吾兩人職務旁午  
中翰墨商訂瞠乎以為初見後余直秘閣因公上銀  
臺李石農鍾愚藉五色冷金紙揮灑楷行余健步玩  
之斗想老人之言也

尹忠愍碑一段

趙浦渚翼撰尹忠愍廷俊碑曰鰲城李相國北還愍  
闕作歌十餘章公盡傳其聲使婢妾唱之或自歌之  
其戚兄安佐李角瞻客也因酒會聞其歌曰君何敢  
教兒此曲耶公曰兄知廣昌我慕鰲城各其志也又  
命歌之佐怒起去廣昌角瞻封爵也癸亥後立幢於

迹廢與豐潤李莒州死於清兵相類後忠愍二孫與  
莒州孫相遇於田子恭舊墟何其慷慨也

翁氏蘓齋之稱

世稱曹溪為東坡後身嘗得天際烏雲帖真迹題其  
室曰蘓齋有蘓齋墨緣印星原有半生一廬處是多情  
之外印又有僕本恨人之語星原自榜其居曰星秋  
霞碧石之齋行住坐卧用表不忘欲兼三友之益於一  
身又刻印章星星原也秋秋史也霞紫霞也碧貞碧  
柳最寬善書者也

晉十四帖



晉十四帖米老得見於太師李瑄第太宗皇帝借摹  
閣帖但取郝愔兩行餘王戎陸雲晉武帝王衍及謝  
安謝萬共十三帖皆不取摸此見於白雲居士帖謝  
太傅書跋

李北海書大照禪師碑

北海書李元秀碑舊拓殘額一橫一圓礎上又半礎  
一凡五石三百四十七字嘉慶乙丑夏北平翁方綱  
摹摹此陵胡遜校勒此本又北海書大照禪師碑康  
熙乙亥懋勤殿摹勒上石古東尚書所藏

趙文敏筆評

趙文敏書太湖石贊洗馬圖詩董玄宰跋曰此趙文  
敏學顏公送蔡明遠叙兼米海岳用筆可寶也於七  
觀帖表文清稱做牧生七散作七觀王眉菴行儉漢  
詔真蹟帖跋云子昂小楷尤入妙品初師姜夔次學  
褚登善鍾紹京卒入二王之室白兔鶻賦字體與公  
他書迥異具眼者當辨之公賦序云白兔鶻翎翻皓  
潔白雪同皎凡三籠而毛羽變赤光彩豔奕勇鷁加  
於疇昔虞伯生云公書赤壁賦時年三十八卷不華  
云白鶻賦是公晚年筆中最上乘又書千字文紫霞  
題其後曰第一公書烜赫蹟無如赤壁與千字赤壁

工摹猶可及予文渾脫化春雲諸帖余皆寓目而散  
度有赤壁賦一帖千字文未及購甚恨

魏國管夫人帖

有竹環居不暫懈長年吟弄似傷廉可憐萬尺鸞翎  
濕白晚瀟瀟雨一簾開枝當路色蒼茫新竹過於舊  
竹長更待春風錦綉脫連連公鳳舞朝陽萬卷詩書  
歷象牀不知身與世相忘更憐家有千竿竹正可開  
軒納晚涼道昇有趙管二字安家書和南拜覆本師  
中峯大和尚女弟子魏國夫人管氏道昇謹封道昇  
和南拜覆本師中峯大和尚法座前承賜書如見頂



相且知道體安穩不勝慰喜又蒙頒賜香珠頌次无  
增感佩戊子十月十一日女弟道昇和南拜覆鈴以  
魏國夫人趙管六字印

樂志論天馬賦帖

此帖趙仲光奕書也帖尾有王文成守仁跋云趙文  
敏以宋宗室王孫屈身異姓雖書法浸淫魏晉而氣  
骨不無少減仲光志趣高尚終于隱遯有古逸民之  
風為宜其書別具瀟灑出塵之概觀者但因為淵源  
文敏似非定評余有慨乎文成之因一書跋軒輊人  
父子之太刻深也况可發之於其子書跋耶兩帖皆

在余度而天馬帖尤不俗

### 東坡像

趙文敏小楷赤壁賦字僅如蠅頭系以長公小像右  
顧有痣與公詩集中所傳摹松雪本又異也舊吳彭  
年言兩見文敏作東坡像一書定惠院海棠詩於上  
云則此又在赤壁本之外矣尾有甲子十二月十九  
日蘓軫題嵩陽帖後時有幻脫蘓軫拜像詩七字則  
公之真像不在顧痣之有無也是日拜真像詩又有  
首也蘭燭生念之末野雲二句則蘓軫拜像之本乃  
是野雲之筆而亦出於趙本也可以審矣覃溪撰東

坡笠屐圖臘十九東坡生朝以惟石供紫霞又移撰  
在余書樓原本流落東國余一見於洪筠玉書齋今  
不知下落而工有翁詩語絕寶也石刻本亦在余度  
東坡自贊曰心是已灰之木身如不繫之舟問我平  
生功業黃州儋州惠州董其昌書也

毗陵先生

宣和間禁蘓氏文字學者私記其書曰毗陵先生中  
州好東國者目謂之學朝鮮什物書畫皆東人作翁  
氏稱師於蘓氏而紫霞秋史稱以蘓齋弟子凡學唐  
者若中州之學朝鮮毗陵之學遠暨東方也



東坡集註

余所藏東坡文字舊有全集王註施註查註四種又得寧溪補註及海外集二種茲集之聚殆無遺王氏志趙夔舊序此書分五十門金華呂氏省為三十二門王氏因之查慎行云舊有八注十注稍後者有唐庚趙夔等注乾道末御製序刊行紹興中有吳興沈氏注見吳興脩志經籍中漳州黃學皋補注見王樵心宣闕大記藝文類中今皆不傳又有渭南集施司諫注蘓詩序施注邵子湘施注例言云複出則刪有語未複出而於文義冗牴者亦從刊坡門酬唱集二十

三卷宋邵浩編所錄皆黃秦晁張陳季與坡公兄弟  
唱和之詩同題共韻可以互考其用意比較其工拙  
覃溪補註第二卷附錄東坡天際烏雲合帖真跡按  
熙寧甲寅坡公往來常潤道中有懷錢塘寄述古之  
作其次章云去年柳絮飛時節記得金籠放雪衣公  
自注杭人以放鴿為太守壽此不欲明言而託之放  
鴿文字之狡獪也鴿無雪衣之號故王注必援天寶  
中白鸚鵡事以明其為借用且鴿非僅白色亦非雪  
衣字所能該得也注家但知其借用雪衣鸚鵡而不  
知其實指此雪衣女也陳述古和韻云綠笙一笛人

何在遼鶴重來事已非猶憶去年題別處  
鳥啼花落客沾衣語意更明海外集樊潛  
菴荏瓊臨時刻自云意之所到輒有品題  
諸公以俗吏賈之

天冠山帖刊字

趙文敏手蹟帖自跋云道士祝丹陽示余  
天冠山圖求賦詩將刻石山中為作世廿  
八首延祐二年十月廿四日松雪道人陝  
刻本跋云余作游天冠山見佳境興發偶  
咏鄙句付主院者越四年楚成巨冊索重  
書故爾走筆予昂

賢詩家



紫霞手選七律  
穀始以杜文貞白文公季義山蘓文忠陸鈞南元遺山虞文靖錢虞山王文簡翁北平才家質之於秋史秋史曰虞山則濫矣杜樊川黃文節朱竹垞皆不可闕公於詩道篤信秋史故再以十二家釐正

雜書詩

紫霞雜書詩曰才智聰明一樣家榮枯冷暖太參差  
天於趙孟家偏賦豈盡生申及甫耶其二曰病民蠹  
國豈無由我亦不眠不食求錢與兩班而已矣噫非  
一朝一夕憂其三曰貴遠好新非細憂侈風成習速

於郵鱗紗朝服羊毛席一二十年前有不其四曰吏  
胥之居宰相同圖書玩好映房櫳豈祿雅尚能移俗  
都是陵夷遂變風公之所著五十篇只錄四首

中古善傳神者

李命基金弘道金健鍾須人李八龍以余所見其法  
最妙而燕人汪載青畫寧溪像用東國衣冠而其顏  
彷彿制度不媚首劉石齡題漁洋禪悅圖詩自註云  
聞諸錢亮工說曾見東坡像極相似果古人勝於今  
人也

皇明詞宗

蕭尚書負言國初文士如宇文太學蔡丞相吳深州  
皆宋儒難以本朝文派論故斷自蔡正甫為正傳之  
宗党可豁次之趙開門又次之

### 元遺山詩

小石帆亭著錄漁洋平生追慕元遺山只在鵲山寒  
食一句遺山兄敏之詩自註云先人臨終有割腹留  
書之語

### 古東尚書解帖

古東李公翊會所藏絳帖十二卷淳化五年歲在甲  
午春王正月潘師朝奉聖旨摹勒上石其最者曰蔡



平威詛楚文曰漢議郎蔡邕隸其文有定策帷幕有  
安社稷之勲十字曰晉石將軍蘭亭二本頤臨方帖  
曰黃庭經後見趙文敏黃素黃庭字無淡古虛和之  
味曰王獻之洛初賦較看長曰卞氏式古堂殘本洛  
初賦有董跋此本頤覺肥失真曰太令尉窠行書桓  
山碑殘字跋云桓山頤獻之銘六字右王大令殘碑  
六字梁天福元年雒陽脩城得之土中考其事或是  
永和十二年秋桓溫破姚襄事此碑碎製不全正存  
此六字耳而大令之名歸然獨完以故人始寶之不  
爾亦同瓦礫矣噫非神物護持曷至是耶余恐其久

而失傳因壽之於石以公諸同好者駙馬都尉潘師  
朝記曰唐長史張旭草書曰率更令歐陽詢筆訣按  
副車帖最多傳偽軒帖考引曹士冕語二十卷訛作  
十二遂致為作絺帖者稱十二卷此帖卷卷有項墨  
林印余少時蔡隸十字以竹瓦摹刻流入大內今不  
知下落古東稱余隸為正道每受去典重文字

### 夢詩足成

養研老人辛卯夏晝寢夢游仙扁得句云隸陰如水  
鶯聲滑芳草和煙燕影消覺來足成一詩書贈余尚  
在篋中其詩曰人生何處不無聊最是難憑夢境遙

仙牙過頭青玉杖  
拉余携手盡欄橋  
綠陰如水鶯聲滑  
芳草和煙燕影消  
短句分明猶在記  
香初茶半雨蕭蕭

### 東人論詩

李奎報白雲小說崔致遠入唐登第有破荒之功故  
東方學者皆以為宗其詩有崑崙東走五山碧星宿  
北流一水黃之句同年顧雲曰此句即一輿地誌學  
士朴仁範奏改朴寅亮亦以詩鳴海內東方文獻三  
通中國自三子始為朴參政詩曰門前客棹洪波意  
竹下僧棋白日閑頗佳



李益齋為忠宣罷重從王居上國最久故得與元四  
學士遊處視易聽新濬屬變化固已極其正大高明  
之學而又奉使川蜀從王吳會往還萬餘里閱博絕  
特之觀包括無餘跡蕩其奇氣歛而東歸閱學之士  
仰之如泰山去其靡陋稍近南雅皆先生之化也

嘗謂西京古令題詠只有二絕唱收隱長嘯倚風磴  
山青江自流鄭知常大同江水何時盡別淚年年添  
綠波此二詩而已我朝遊無絀鄉耆者

鄭固隱先生非徒理學節義冠一世文章亦家法可  
萬梅窓春色早板屋雨聲多即先生一廬也

許筠惺叟詩話金楊若九容詩甚清膽收老素梅下  
筆如雲煙者是已嘗奉使入京其咨文馬五十匹誤  
填以五十萬皇帝命流大理公詩曰死生由命奈何  
天東望扶桑路渺然良馬五十何日到桃花關外草  
芊芊過武昌又有大別山青日已斜之句

讓寧大君初立為世子永樂五年朝京師文皇帝執  
手慰諭之稱曰賢王子親製七言詩以賜世宗生有  
聖德百姓歸心為讓寧心知之佯狂逃去以讓之一  
時擬之恭伯虞仲自少能文章陽若不知書者雖太  
宗亦不知題僧卷有曰山霞朝作飯蘿月夜為燈獨

有孤菴下惟存塔一層雖司命風騷者未必過之

朱溪君深源燕山時為任士洪構誣與二子並見害  
中廟時特贈一品旌問公子非但解理學亦能綴詩  
雨後晚望曰一犁春雨杏花殘處處人耕白水間獨  
立蒼茫江海工不勝惆悵望三山鳴陽正賢孫以禮  
律身而瀟灑出塵其秋曰詩曰白露園林淨高風涼  
木衰覆杯跡竹葉汲井煮桑枝落日鴈橫塞秋窓出  
吐絲誰憐貧病客長吟楚人詞

晦齋有長對青山不賦詩之句又曰待得初清真氣  
養一月還是一唐虞非操觚所及



退溪先生求青松不諧得除丹山郡有詩曰青松白  
鶴元無分碧水丹山儘有緣練光亭詩有空中明月  
近堪梯

惺叟詩話萊陵朝人才輩出一時文章鉅公甚多惟  
徐四佳詩蒼容富麗如遊蜂飛不定閑鴨睡相依大  
有佳處金春澤北軒雜志古語云詩能窮人然宰相  
口氣與寒士絕果鄭林塘身作太平宰相時國家於  
北路戰亡處賜祭林塘詩曰聖朝枯骨亦沾恩香火  
年年降塞門祭罷上壇雷雨定白雲如海滿前村題  
甚悽楚而語却富麗東天輅五山說林孫勿齋辭孝

有才學成廟甚重之嘗引接賜酒醉甚上問曰卿能  
作詩乎對曰惟命上以張良命題呼顏舜孝應口對  
曰奇謀不遂浪沙中杖劍歸來相沛公借箸已能成  
漢業分茅却自讓齊封平生智畧傳黃石未路心期  
付赤松堪恨韓彭竟殂鹽切成勇退是英雄上大說  
命一宮人彈琵琶而歌之舜孝醉倒不能起上解藍  
錦帖裡覆之君臣眷遇之隆曠絕千古魚叔權裨官  
雜記樂籍上林春以琴擅一時中三魁贈以詩曰芳  
五橋頭楊柳斜晚來風日轉清和綳簾十二人如玉  
青瑣詞臣信馬過春旣老情畫師李工佐寫此詩為

圖通云縉紳題咏鄭林塘金麓皆有詩望叟詩話  
佔俾齋神勅寺詩上方鍾動龍舞萬竅風生鐵鳳  
翔之句沉鬱嚴重此真撐宇宙句五山說林佔俾詩  
稱冠冕實非夸誦每誦其風飄羅代蓋而蹴佛天花  
則未嘗不脹其放遠

我朝詩至中廟朝大成又至宣廟朝大脩李容齋倡  
始而朴訥齋申駱峯鄭湖陰朴挹翠並生一時足稱  
千古盧蘓齋黃芝川迭相代興崔白法唐而李蔭谷  
闡其流崔簡易險勁矯健自闢門戶權石洲晚出而  
可與容齋肩隨至如諸大家當推徐四佳為第一而



金仙俾成虛白次之此之於唐則四佳諸公其初唐  
之四傑而中宣諸名家其猶盛唐開天諸家盧蘓  
在宣廟初最為傑然其沈鬱老健蒼宕悲壯深得老  
杜格力人莫能及崔簡易風格之雄豪質致之深厚  
亞於蘓齋而鏤畫矯健或過之其警絕處聲響果然  
如出金后非後人所及也惺叟詩話我朝詩當以李  
客齋為第一沉厚和平淡雅純熟五言古詩入杜出  
陳高古簡重南龍翼共壺谷詩話國初以來文體專尚  
東坡而翠軒忽學山谷儕流皆屈服余見翠軒詩春  
陰欲雨鳥相語老樹無情風自哀最是警策而兼學

黃陳也

崔孤竹慶昌白玉峯光勲李孫谷達世所補三唐者  
唐調倡自金冲菴詩江南殘夢畫懨懨愁逐芳日  
日添鶯燕不來春又暮落花微雨下重簾最得意三  
唐中孫谷踏崔越白其詩有病客孤舟明月在老僧  
深院落花多之句

金得臣終南叢志鄭湖陰有江聲忽屬月孤懸之句  
或以月孤懸與江聲屬不相屬疑之許筠獨曰此老  
此詩當為歷卷以筠藻鑑豈無所解余嘗宿黃江夜  
聞灘聲開戶視之落月孤懸因知湖陰老子寫景鍊

句之逼真也

壺石詩話李賀溪詩過於軟媚或以死楊妃卧花下  
為讒如白雨滿船歸棹意數村門掩梨花秋之句真  
是畫中有詩矣

權應仁松溪漫錄朴忠菴宿白雲洞曹氏草堂詩曰  
醉睡仙家覺後疑白雲平屋月沉時憮然獨出脩林  
外石徑筇音宿鳥知人謂宿鳥知先生五山說林村  
思菴清修苦節人莫能及

天使來時石洲被選為白衣從事宣廟徵稿以入簡  
易贈詩曰聞說至尊徵稿入全勝身到鳳凰池鄭松



江歌曲有將進酒調甚悲慨石洲過公墓有詩曰空  
山落木雨蕭蕭相國風流此寂寥惆悵一杯難更進  
昔年歌曲即今朝至今樂府弄歌之千古絕唱也

陳翰林澤與李文順齊名陳詩曰小梅零落柳微垂  
閑踏晴窗長步遲漁店閑門人語少一江春雨碧絲  
絲清澁可咏李詩曰輕衫小簾卧風櫺夢覺啼鶯三  
兩聲密葉翳花春後在薄雲漏日雨中明讀之爽然  
詔見惺望詩話中也

壺谷言李月沙詩如水紋平鋪申象村詩如組繡五  
彩柏谷問鄭東溟曰子詩於古可方何人東溟笑曰

李杜則不敢當至於高岑輩或可比肩車汝州言權  
后洲之空山落木雨蕭蕭李東岳之江頭誰唱美人  
詞俱是絕響音權之首句如雍門琴聲忽然入耳使人  
無不涕零李之末句如赤壁簫音不絕如縷猶舍無  
限意思也

車五山自言貼紙於萬里長城使我走馬揮筆城有  
時盡而吾詩不窮矣終南叢志許筠奉使入京有一  
星官言青邱分野奎星晦彩文人當死筠欲自死以  
當之及渡鴨江聞五山死愕然自失

車天輅以四館官為舉人代述事覺杜流北還及北

兵使辭陞宣廟教曰車天輅雖為罪謫予愛其才可  
善視之兵使待之極款天輅惟其厚而問之兵使具  
以實告天輅感泣聖主愛惜人才吁亦至矣

論詩者謂李芝峯法唐開淡渥雅而所之者氣力如  
憲聞小雨天難曉城枕寒江地易秋之句人未易道  
余見東國文章詩文俱備者李東洲若鄭礪若谷堂  
詩權輿松京南樓詩可與並名

壺谷詩話李五峯天才鳴世晚年有寸盡之嘆如天  
心錯莫臨江水廟弄淒涼對夕暉等語一時儕友輩  
笑散望云耳



宣廟朝進士成汝學號進泉自少攻詩年老不得一  
命人皆惜之其警句曰雨意偏侵夢秋光欲染詩極  
佳也

蘭雪軒許氏為閨媛中第一中朝人爭購其集洪慶  
臣許禰皆言蘭雪詩二三篇外皆他人作白玉樓工  
標文亦獨所換云可笑鶴山樵談姊氏平日有夢中  
詩曰碧海侵瑤海青鸞倚彩霞芙蓉三九朶紅白上月  
霜寒及上界享年二十七恰符三九之數脩短之定  
豈可違乎

宣廟朝以後王季羣擬之學盛行人人誦龍家家效

聲無復各成一家之言自此詩道衰矣

壺谷詩話金柏谷湖行絕句有驢背睡餘開眼見暮  
雲殘雪是河山之句語韻極佳而不入於箕雅中此  
所謂倒海瀉珠竟遺明月豈不嗟惜也

終南叢志云文章家靡不以勤而致二世傳金華玉  
閉門讀書下堂見落葉始知為秋余少魯鈍所讀倍  
人最喜伯夷傳讀之一億一萬三千集遂名小齋曰  
億萬齋去庚戌八月大鯢翌年大疫都下積尸如山  
人戲曰今年死者與君讀書之數較此孰多

王漁洋論詩絕句淡雲微雨小姑祠菊秀蘭寒八月

時記得朝鮮使臣語果然東國解聲詩即謂之清陰詩也

舊蘭亭會

英宗癸丑暮春曹松下具白谷尚書而下四十三人咸集南營水閣為觴詠會有修禊帖哲宗癸亥余與諸公修續禊作屏藏于瓊檜亭

嵩陽帖

帖蔡君謨真蹟在陳述古杭州官舍後人呼為守居官閣養新老人手臨之題曰重摹紙閣十六扇又一清風五百間世謂坡書學李北海徐李海諸法皆源



於此臨本令不知在何處

見詩知人

芝樵亞使物色權晶山永佐欲置蓮中公讀一卷至  
未聞泗濱自出璧之句遂定為昆山蒼芝樵姑置優  
等及封彌散果然晶山矣芝樵大以為快

天然如意研

天然如意研乾陰牙負物也卷匣中舊有方玉為庸  
妄人所剔秋史以前明古玉鐫天然如意字補歟遂  
題曰天然如意研

白月碑尾

白月碑新羅朗空國師棲雲寺塔銘也侍郎崔仁孫  
撰端目禪師集金生字以周世宗元年甲寅立石在  
奉化縣太子山山深寺廢久無知者後因明詔使有  
求拓者全集一武弁不堪其苦以為馬校而辱之今  
所行殘字皆馬迹余有舊拓本中宛丘深得其法近  
日鄭蕉泉倣而行之

隨清娛帖

帖褚登善書汝南公主墓誌云公主隴西狄道人鄭  
夾添通志金石略曰虞世南所書狄道人墓誌隨清  
娛漢司馬遷之妾也

諸詩體

一二言詩孔穎達曰詩以中志一字則言蹇而意不  
會故詩之見句少不減二即祈父肇禋之類也三言  
金玉詩話謂起於高貴鄉公然漢郊祀歌之鍊時日  
木乙既天馬徠等章已創其體四言起於舜典喜起  
之歌五言斷以古詩十九首及蘇李贈答為始十九  
首或稱枚乘所作六言任昉云始於谷永然劉勰云  
六言七言雜出詩騷又漢孔融所著詩頌碑文六言  
策文表檄其曰六言者蓋即六言詩也七言金玉詩  
話云起於柏梁八言漢書東方朔傳有八言七言上



下篇九言聲律以洞酌篇為九言而懷麓堂詩話又  
謂起於高貴鄉公十言十一言李白杜甫詩皆有之  
五七律排雖創於初唐沈宋諸人然六朝已開其端  
五言絕句唐初廢六朝子夜體也七言絕句中唐漸  
甚然梁簡文在望單鴈一首已是七絕云三五七言  
起於李白秋風清秋月明落葉聚還散寒鴉棲復驚  
相思相見知何日此日此時難為情此其濫觴也長  
短句如山有榛隰有荃一章真絕調也至漢而益多  
如安世房中歌之類六句律詩李白送羽林陶將軍  
有六句律便成一首物體七律杜少陵集最多如鄭

縣亭子澗之濱獨立縹緲之飛樓之類律詩不屬對  
唐人律詩有第三四句有不屬對者如李白牛渚西  
江夜崔灝黃鶴樓詩之類律詩無用兩韻如東坡題  
南康寺重湖軒詩曰八月渡重湖蕭條萬象疎秋風  
瓦帆急暮靄一山孤詩國心猶在康時術已虛岷峨  
千萬里投老得歸無之類迴文詩世皆以為始於蘇  
蕙然劉勰謂道原為始道原不知何時人疊字詩如  
河水洋洋北流活活等句連用六疊此為創體雖句  
自退之斬新開闢禁體始於歐陽公東國但製其體  
而不識其源故特考錄之

詩文以集名

集之名起於東漢然古所謂集乃後人聚前人所作  
而名之非作者之自稱為集蓋集與輯同今人之自  
成其集非也所以先輩聚其所作變其編名或稱未  
定稿良以是也

今詩與古詩同

古今人詩有不謀而同者紫霞燕行時會寧嶺得一  
句曰天垂繚白紫青外秋入丹砂點漆中自以為佳  
後閱放翁集有曰天垂繚白紫青外人在駭紅怨綠  
中此二句皆用柳州山水記語紫霞則取才於柳州



與杜陵可後人必曰剽竊而實不謀而同

海東繹史

史歸洲工鎮書所輯也東蹟之見於中州史者鈔出者也卷二十乃外史也徐楓石授余一帙甚珍玩後見磐修堂集此書竟入於中國

安平大君書

甯溪見安平大君絹本真蹟曰此能以松雪手腕運聖教序筆意者真確論也

宋窯咒

星原舊有古井淘得宋窯酒杯柳貞碧得於石墨書

樓甚愛之時刻不離手携至瀋陽失手見破養研老  
人以詩嘲之曰蛾眉宛轉一聲嗟千古淒涼是馬坡  
叮囑於吾真不分教君不得奈君何罷破者余曾見  
之鐵絲補綴无奇絕勝太真一襪也

灣館盛會

純祖壬申奏請王世子冊封正使及健齋李相公時  
秀副使金吏侍銑行臺中紫霞締七月拜表十二月  
回到灣上時沈才室象奎以冬至上使李閣學光文  
書狀鄭經山元容問禮官同會館中申公記云聚敬  
離合之際語多傷懷亦嫌陳腐而萍水歡會終不可

無迹以評物體為詩令漢叟曰燭景博曰拈東坡韻  
善之拈以示之稚教曰非痴眉姿池乎諸公賦其韻  
成帖席有詩妓吟曰壯士腰間弓似月佳人手裡劍  
如霜

沮上樂府

紫霞集鄭知常句綠窓未戶笙歌咽金黃元句長城  
一面溶溶水大野東頭點點山又集鄭司諫句兩歇  
長堤草色多及別淚年年添綠波又入甘紅露成篇  
曰終古笙歌咽綠窓書生何事怨盈腔長城捲去青  
山疊大野飛來白鳥殘日日離情堤上草年年別淚



臉邊江詩腸到此無端豔澆盡甘紅露一缸此詩題  
扇頭贈沮上詩人金樵余遊沮江一妓女搖扇唱詞  
卽此詩也

論錦船荷裳詩

養研老人為錦荷二子作詩引崑山吳修齡為修論  
詩語取詩中須有人又引東坡論老杜語取詩外尚  
有事成句乃曰錦船與荷裳撲學詩最嗜向我每求  
益誠好頗勤聲錦船靈慧性荷裳質厚荒寒日青藍  
譽未易論第次金針豈在多二言拈以示二子學詩  
最得其法為霞門高弟

吳道子石刻

蔣秋吟詩自註云浙中有吳道子石刻畫竹十二幀  
擬宋紫霞寫十幀鐫刻西湖家塾俾後世知先生寫  
竹卽吳道子匹儔也

尺牘

古之尺牘必稱蘊黃而東國尹白下集大成近吾金  
秋史語元元揀金愈出愈新世謂筆與畫皆不及尺  
牘之奇也趙心庵善於短札俚語混用無斧鑿痕其  
辭節節踈雅非庸才可跂也

榮東卿書

自念年已半百毫無補於朝廷因即大別山前老屋  
增拓數楹葺理先人遺書重加檢校春原風解綠遍  
方畦較雨暈晴老懷已足今夏五月謬承敕迫出山  
束裝北來重踏軟紅祗自哂然大笑耳東卿有印刻  
曰八萬卷書樓五字藻志誦字東卿號筆林與朴坦  
齋交既久余入燕逢於寺街翁第為人碩然長身年  
已過七十其子名琛為兩廣總督入洋船卒初與洋  
講和也洋人請布政司遊驅船入洋界勒為之質葉  
不食死洋人悔之以錦裹屍并家丁歸之

鹿亭八隱



松隱朴公天淵圖隱鄭公夢周收隱李公穡治隱吾  
公再成隱金公大潤桐隱李公在弘休隱李公錫周  
晚隱洪公載是謂八隱圖隱詩云平生親舊曉星疎  
老圃如金歎索居陶隱西進若齋死令人每憶朴中  
書中書卽松隱也

前生仇儻

舊聞崔杜機承旨成大與中青泉維翰為前生仇儻  
青泉是夫杜機是妻杜機詩集中酸漿歌悽婉可愛  
卽有感於斯而作也其塚在壽春南秋月秘書王之  
塚亦在是土崔稿并在南氏家人指謂二詩塚崔之

孫琴有詩曰殘杏數株還斫盡明年何以答春風極  
有大致

鑿池得印

朴雨蕉著壽鑿池得浮石印一顆朱文曰樂琴書而  
鎖憂余得以玩之想是前朝物也

太極圖狀

姜紹書韻石齋筆談有石紋太極之說陳定九荔枝  
譜荔枝產泉州者曰太極圖形圖而偏半紅半綠如  
太極圖狀余見水紋成圖命曰水太極圖

壽春古蹟

曰瑞香院有梅月堂金時習道蹟曰文殊院古碑僧  
坦然書重修院者真樂公乃高麗處士李資玄曰鐵  
柱杖懶翁惠勤物曰千年古樹在清平山真樂公所  
居也

松坡長老

長老東僧十四剃髮九十眉覆如雪不識人間書字  
昔楊大年見先兵負暄熟睡曰快活問汝識字否曰  
不識大年曰如此更快活山僧老平固不足道而近  
古趙公葵永平生不以文自居登科不拜館職不與  
文事位一品壽八十致仕見重於世以余所見快活



無如公也

施藏經碑

清平山古樵下廢池邊掘得一碑乃蓋梁李先所  
撰施藏經碑也此碑與文殊院碑均為山中之文獻  
主僧松坡長老移置寺簷下以庇風雨石斷製大小  
凡五段碑文曰為皇太子皇子祈福各取其誕辰飯  
僧閱經歲以為凡歲史云每於誕辰飯僧歲以為常  
第二行推誠亮節功臣重大匡金海君臣李比以下  
泐損按先生始封金海君後改封鷄林府院君按所  
謂僉議政承臣怡等即定公金怡也本集與圖經

皆作臣怡考之麗史更無以怡為名而官政承者此  
碑臣怡之為臣定無疑也又按臣定以僉議中贊序  
於恭定四年五月則立碑時尚無恙而居位也臣定  
少時宿茅藏寺夢王御殿唱一句云青雲紫氣和仙  
閣臣定廣云綠髮清談是貴人以是卜其貴顯

宋吉人羊毫

朴貞黠齊家得來燕士所贈純羊毫宋吉人製者一  
床其筆尚在篋中始能用此筆者惟貞黠而已一枝  
間在碧蘆舫

覆甌四部稿

覆瓿福許蛟山筠文集亦名看竹集分四部卷端有  
任吏部珽姓名印此必任公之手錄秘本也李晉江  
序云朱太史曰其文紆餘婉亮余洲晚境其詩意達  
瞻麗有華泉清致又曰此集雖置在七子間瑕不廁  
宗梁之列

斗室詩

拾紙得斗室詩跋語曰先蒙寵寄瑰棄感情思之纏  
繆歎音調之鏗鏘輒強年和切希并正詩云予士閑  
愁一寸詩令人心事古人知林亭獨卧聞蕉夜郎閣  
高吟寫竹時我道妙存無限意君看能作幾何悲擬



從酒茗消餘日亦厭微鷗復乞樣斗室

朴莛溪惜名

朴莛溪氏於公私行必窮尋名勝而獨無題詠曰蓬  
名樓好板刻非文章則閣也許多詩中何能作驚人  
句乎朴公此言果過於辨明也公平生善琴而人不  
知善畫而人又不知趙心庵書公序曰公有文名無  
著述外人不知云公二遺藁或見逸於家故中郎

朴莛溪罕笑

莛溪朴公平日不見人以笑人之見公笑者不翅得  
瑛璧一日公退朝未卸衣笑而又笑家人恠問之公

曰俄於筵中有守令入侍而班首者梁越府使采應  
龍也秦職姓名時司謁例飭高聲宋令公真箇高聲  
羞之有若呼唱者然其在其下者舉皆從而和聲殿  
上哄動左右莫不掩口吾於是亦不禁其笑而至於  
斯而始笑笑公又於妓不接語其為箕伯也一妓欲  
見媚於公到營之日立於床頭公舉而視魚煎高不  
得動妓以釵鎮其左公便於挾取且頻視梨栗而累  
累難於咀嚼妓乃取一大椀斫而進之公始顧問其  
名箕城之妓納其名者只一人而已夫笑者發於猗  
下之間色者出於常情之同然俱莫之能遏者也公

忍笑於一時刻之頃果學不得之事而至於女色乎  
生不置於心鄭經山問之公曰好色莫如我者而有  
貞疾此心一發衝亘臍肚所以與之相忘人之目我  
以遠色實不知我也

### 哉哉詩

哉哉金公善作弄詩工土北遷詔行于世嘗作詩曰  
三月未參軍職祿十年難得縣監名又曰八路歲儀  
皆北走四時享帖盡南來此詩流入于大內後公以  
魚舂坊隨駕所騎馬有頤遍乞於諸將臣竟不得翼  
廟洞燭之即行在特除司僕正更於班次願謂公曰



馬不狼狽乎其際過肇自善於講對而余兒時見公  
乘天駟受人賀語如昨日也

滿月臺懷古

金碧千門錦繡窠麗王宮殿鬱嵯峨謀臣猛將終無  
賴貴戚妖僧適作魔大抵用人東國最若論遺俗北  
元多一朝天命歸真主圖老孤忠可奈何北中紫霞  
詩也

猗蘭操異石甘露二帖同異考

孔子歷聘諸侯莫能用

凡字昌黎本有真蹟帖無

丁丑丘

三字真蹟帖有

呂黎本無

自衛反魯經

經一字真蹟帖有呂黎本無

隱谷之中

之中二字昌黎

忍笑於一時刻之頃果學不得之事而至於女色平生不置於心鄭經山問之公曰好色莫如我者而有貞疾此心一發衝巨臍肚所以與之相忘人之目我以遠色實不知我也

### 哉哉詩

哉哉金公善作弄詩工土北遷詔行于世嘗作詩曰三月未祭軍職祿十年難得縣監名又曰八路歲儀皆北走四時享帖盡南來此詩流入于大內後公以魚春坊隨駕所騎馬有頤遍乞於諸將臣竟不得翼廟洞燭之即行在特除司僕正更於班次願謂公曰

馬不狼狽乎其除過肇自善於講對而余兒時見公  
乘天駟受人賀詔如昨日也

滿月臺懷古

金碧千門錦繡窠麗王宮殿鬱嵯峨謀臣猛將終無  
賴貴戚妖僧通作魔大抵用人東國最若論遺俗北  
元多一朝天命歸真主面老孤忠可奈何北中紫霞  
詩也

猗蘭操異石甘露二帖同異考

孔子歷聘諸侯莫能用

凡字昌黎本有真蹟帖無

丁丑丘

三字真蹟帖有

呂黎本無

自衛反魯經

經一字真蹟帖無

隱谷之中

之中二字呂黎



忍笑於一時刻之頃果學不得之事而至於女色乎  
生不置於心鄭經山問之公曰好色莫如我者而有  
貞疾此心一發衝巨臍肚所以與之相忘人之目我  
以遠色實不知我也

哉哉詩

哉哉金公善作弄詩工土北遷詔行于世嘗作詩曰  
三月未終軍職祿十年難得縣監名又曰八路歲儀  
皆北走四時享帖盡南來此詩流入于大內後公以  
魚舂坊隨駕所騎馬有頤遍乞於諸將臣竟不得繫  
廟洞燭之即行在特除司僕正更於班次願謂公曰

馬不狼狽乎其際過肇自善於講對而余兒時見公  
乘天駟受人質詔如昨日也

滿月臺懷古

金碧千門錦繡窠麗王宮殿鬱嵯峨謀臣猛將終無  
賴貴戚妖僧連作魔大抵用人東國最若論遺俗北  
元多一朝天命歸真主圖老孤忠可奈何此中紫霞  
詩也

猗蘭操異石甘露二帖同異考

孔子歷聘諸侯莫能用

凡字昌黎本有真蹟帖無

丁丑丘

三字真蹟帖有

昌黎本無

自衛反魯

經一字真蹟帖無

隱谷之中

之中二字昌黎

本有真蹟帖無見香蘭獨茂而一字品黎謂然而有真蹟帖無歎曰一字品

黎本有真蹟本無夫蘭當當一字品黎本為王者香今乃獨

茂獨茂二字品黎本有真蹟帖無與衆草為為一字品黎本伍遂止

車真蹟帖作遂止車昌黎本作乃止車援琴而歌之昌黎本作振歌鼓之自傷不

逢時託辭於香蘭云操曰則三字昌黎本有真蹟習

習谷風以陰以雨之子子歸遠送于野何彼蒼天不

得其所逍遙九州無所定處昌黎本作無有定處時人閤蔽昌黎

本作世不知賢者年記述適一身將死以出於昌黎

人閤蔽本作世將蘭操詩注者參互同異以俟博雅

芾頓首再啓樂居在丹徒行衙之西儼閑堂養月佳



麗亭在其後臨運河之潤水東則月臺西乃西山故  
寶晉齋之西為致爽軒環居桐柳春杉百十本以藥  
植之令十年皆垂蔭一畝真一畝之居也四月末工  
望山樵人以果石告遂視之八十一穴大如碗小容  
指製在淮山一品之上百夫運致寶晉桐杉之間五  
月望甘露滿石次林木焦茅莫不露潔白如玉珠鄰  
中圖去至今未止云欲上既不請亦不工也第頓首  
再拜右為銘狀  
雪堂刻本西山書院丹徒私居也上望山樵人  
米集  
山字無以異石告米集  
來告余凡八十一穴狀類泗淮山  
一品石如秀潤為因題為米集  
來集作余洞天一品米集  
一作一

品以盡其八十一數百夫米集百夫上有金字輦致寶晉齋後

米集後七日甘露下其居梧桐柳垂春杉蕉菜花蓮

草無不露也米集作梧桐柳竹春自五月望至廿六

日作此詩時米集無作此詩時四字猶未已米集此下有因思之作此詩六字

我思岳麓抱黃閣飛泉元在半天落石鯨吐出流一

里赤日露下陰紛薄我曾坐石浸足眠肘頃抵水洗

背肩容時效我病欲死一夜轉筋著艾燃如令病渴

擁爐坐安得縮却三十年重往石上浸足眠右真蹟

帖闕詩但有詩題耳從本集補錄以脩考覽

曹宅雅集

丙子十二月二十五日洪澹寧義浩趙北海樞密鍾  
永趙雲石主事寅永同會曹來鶴水部宅是日即諸  
公去年過鴨江之日也紫霞亦來茶飲酒賦詩竟日  
而敬時稱文虹照南麓

岳綠春蕙蘭圖

吳蘭雪寓梁姬人岳綠春蕙蘭圖舊為翁星原物今  
歸貞碧館綠春有二小印白文曰岳氏荷姬朱文曰  
蓮華博士

完壁帖

覃溪復初齋集有曰江秋史得趙文敏墨迹云青初



白髮老叅軍旋驪黃梁買酒尊但得有錢留客醉也  
勝騎馬傍人門余最愛此詩頻頻書之以自適意耳  
子昂凡四十四字半為損壞不復成字余為審擇存  
廿五字題曰完壁帖而歸之因題其後曰完壁歸于  
趙生花夢自江千秋吟買酒幾夕剔寒缸曲折圖移  
繡橫斜榻就窓似聞苔雪工揉膝韻吳甌前此姜約  
庵尚書影搨趙墨一本卽此帖也無余最愛以下十  
四字存只三十字摹自聽松先生鑒藏本也庚午潔  
霞得此本贈金秋史進士據此知趙文敏頻書此時  
留在人間不止數本甬溪本比聽松本但多十四字

不知孰為真迹也完壁帖存只廿五字則又不及聽  
松本之完矣此書之一歸江秋史一歸金秋史洵一  
段奇事也金秋史和紫霞曰紅葉樓中偈心心月印  
江朱文誰繫馬綠酒自斟缸清聽松鳴屋留陰竹補  
窓天官徵玉尺共潯鷗沒鴈註紅葉樓豹翁居也竹  
窓用蘓齋移竹故實也

### 嵩綠草

復初集題天際烏雲帖詩每為九首前五首即次帖  
中原韻後四首不知何所取韻也後閱張伯禹集知  
此四首之韻本出於虞道園身復初齋有嵩綠草也

余得覃書烏雲天際語青眼夢中人刻揭橘山意園  
薛荔亭亭扁徐竹石書移來水村內翰族叔居也

劉松年畫卷

曹氏世藏劉松年畫卷澤堂跋云觀蓮圖蓋取老杜  
竹深留客處荷淨納涼時命題者也壬午携之灣上  
從西礪證定清陰一驛西礪卷中原有吳龍庵陸五  
湖二詩繼以清陰先生而下十六賢詩俱極一代之  
選也

七佛偈

七佛偈山谷書薦其母夫人冥福也霞翁得之象山



村家椹梁上山谷又書石鏡溪三字在瞻雲寺讀書  
臺寺在廬山中拓本藏蘓齋

二指大端硯

金狄史得小端硯於蘓齊傳天漢家後竟歸勢戶  
市此品最高價

螺填

髹漆器用蚌蛤殼鑲嵌象人物花草謂之螺填方勺  
泊宅編謂不出倭國而藍行訛為羅殿而附會之誤  
案又當作螺鈿我國皇太后皇后前進獻禮物即螺  
鈿小盒一具而余於使行見之不過是貝盒樸制也

以此作為年貢方物殆儉也

### 金鳳染指

俗以鳳仙花染指自宋已然奈辛雜識鳳仙花紅者  
搗碎入明礬少許染指甲用瓦帛纏定過夜如此三  
四次則其色深紅洗滌不去直至退甲方漸失之回  
曰婦人多喜此云今俗則不特回回婦人也

### 婦人拜

禮婦人吉拜雖君賜爾拜者周禮太祝九拜之一鄭  
註謂俯下手如今之擡按推手曰揖引手曰擡爾拜  
如擡正令俗婦人擺兩手向下之禮也惟婦人之拜

跪與不跪諸家之說紛紛洪容齋等謂古禮婦人之拜本不跪東國婦人之拜伸腰而拜兩手據地頽不至席此與古法脗合以其首飾甚多不得俯伏與介冑之士同也

### 禁髻製冠

正廟己亥有禁髻製冠之議上曰花冠之屬雖云簡便末世侈風轉相務勝名雖花冠而加以珠玉金貝之屬盛加造飾則其費之鉅反有過於髻髮之具此所謂以弊挾弊亦豈非可悶乎近俗如遵古則必以花冠用於婚禮禮家無珠貝之繁宜以冠制分等品



可笑

仕女倚倦圖

李爾獻奎鉉得中州人所寫仕女倚倦圖記余一觀  
衣制粧梳非賤娼可比所以謂之仕女也紫霞題五  
首七律於其上曰玉容瘦損鏡慵開長夏生憎午  
景回人柳眠風拖未閣虫絲弄日到青苔鶯聲不與  
聰明隔蝶意無端眼睫未惺得佯嗔嬌得寵十分才  
氣十分孩余入燕京見真想畫誦詩得格此語誠畫  
中景景中畫也

贈老妓詩

歸鹿趙相公顯命贈老妓詩曰功名文武前身事歌  
舞繁華一夢間大笑相看頭似雪空山斜日水流閑  
恰似潯陽江上琵琶詩門前冷落鞍馬稀老大嫁作  
商人婦吾輩事亦如是

### 朝雲愛詩

申使君淳以養研詩誇於其朝雲曰此詩當世無復  
一字千金朝雲欣然曰願得其五十八字詩賣諸市  
可辦屨萬金足了一生使君書中為致其意索和甚  
勤老人不覺散函噴飯謂詩無敵也故戲引老杜白  
也詩無敵為下句

秋香繡詞

朴而蕉綠衣秋香北人也以母老留兒而去翌年寄  
兒衣有繡囊詞一闋繡在囊面其詞曰綠漢綴朱黃  
絲寸寸回腸縷縷縈思添將燭下淚繡與斑衣兒真  
絕唱也余遊關北其子齊吉尋母而來無資逗遛甚  
悶之為給行李齊吉十八武科而蕉登科年也其嫡  
母夫人見戴花而入大哭曰一如君子唱名日狀貌  
也余在咸州斗想是事厚恤之

元宮人墓

墓在松京葛馬二氏相向也石槨麗制用越法書苑



王蜀時獲尾棺隨渭州刺史張崇妻王氏之葬銘曰  
深深葬玉鬱鬱封埋香後人多遺詩淒迷哀艷若絃歌  
以奏之芳魂必飲泣而謝何有古人也

景蕙女史

景蕙女史善琴棋工詩畫卽故權西漁尚書常慎寵  
姬也自哭西漁流落人間復為一武弁所收然非其  
志也近有人誦傳其詩數篇皆自悼之作而壺間貯  
月心俱白席工傳雲眼欲青一句最佳余少時遊聽  
流堂權宅壁上題景蕙詠燕子詩寒便辭人暖便歸  
笑他燕子計全非綠陰如此不留宿却傍人家門戶

飛此後屢易其門果詩出於性情也景蕙本良家女  
其父教之以藝其畫余得兩幀用筆設彩非東人手  
法也

### 諸女史

金淵泉八十七以三女史消遣雲楚女史名芙蓉成  
都人瓊山女史名洛仙碧城人錦園校書名錦鶯蟾  
江人未久皆散錦園歸於金侍郎德喜詩文俱麗余  
見其作於侍郎在灣上時又見余金文於都下非比  
女史作也余遊楊山見女史彩蘭善詩後為圭齋南  
尚書燕子樓中物碧城蕭仙學竹於紫霞宰象山時

余在三十年前與瓊同見於碧城蕭寫竹瓊題詩蕭  
復見於碧城瓊已歸北印也涓城女史琅玕名竹香  
善畫竹為李荳圃所歎其畫中原余竹溪垣題句藉  
此亦足以傳後

洪筱困札

古人別離文字多發涕淚語古人不欺今人而令人  
實欺古人令人腸肚麤塞無以感發情靈此又痛哭  
處人評之曰情真語奇又因病齒曰擁齒如吹笙真  
奇文也

天鹿圖



金蘭畦尚書子宗邵字載園官內閣中書勇字近園  
舉人孫震字篋伯一字長卿篋伯畫天鹿圖不雕繪  
以水筆一揮成形而已余摸揭林下廬獨錄歌云求  
祿求祿清白不濁清白尚可貪污殺我晉歌為鹿字  
古通用出南齊書樂志

方言

我國於一切天文地理身體眼用宮室草木鳥獸虫  
魚之名皆以方言呼之故臨文愴恍莫之歸一實有  
書自書言自言之歎如天字注河湜之類是也丁酉  
山學洞纂物名考其例如佛書之房融筆受免有揣

簫叩槃之病余入燕彼人見我國韻書下懸謗註以  
東國音呼之我人則見華音之懸而不知韻書懸華  
東西音無義也

明月去月之補

次年曰明年次日曰明日而次月未有補明月者左  
傳公孫段卒國人愈懼其明月子產立公孫洸然則  
次月亦可補明月矣陽歲曰去歲北史蕭吉奏隋文  
帝曰去月十六日皇后陵前有黑雲起是前月亦可  
補去月矣東國之俗去月來月明日為恒用文字而  
明月罕用惟牛峯李氏家有避諱於來字用明月等

字

忌日忌月

禮記君子有終身之喪忌日之謂也文昌雜錄記宋元豐令諸私忌給假一日逮事祖父母者准此蓋猶沿古制也六朝時又有忌月之說晉穆帝將納后以康帝忌月疑之下其議荀納王洽等謂古但有忌日若有忌月則更當有忌時忌年蓋為無禮南史張融傳融有孝議忌月三旬不聽音樂唐書王方慶傳議者以孝明帝忌月請獻俘不作樂方慶謂禮有忌日無忌月亦引荀納等忌時忌年之說以折之帝公甫



傳舊制忌日之前三日後三日皆不聽事公甫亦引  
禮無忌月之說以著其非東人無忌月之說有當忌  
之月不聽樂不出門者又有素衣帶終其月者皆非  
禮家所許也忌年追服亦如是

### 避諱

張世南游宦紀聞云生曰名死曰諱世俗往往有台  
諱尊諱之語是稱生人名亦曰諱乃不祥之甚今時  
俗口語亦尚多如此不可不檢東國尊稱皆用諱即  
御諱之稱與古有異

### 生壙

司空圖作生壙每春秋佳日邀賓友遊咏其上事見  
唐書然不自司空生始也後漢書趙岐傳岐自為春  
秋藏圖季札子產晏嬰叔向四像居賓位自畫其像  
居主位皆為贊頌此生壙之始也唐書姚勗自作壽  
藏於萬安山署北曰寂居穴墳曰復真堂剝土為牀  
曰化臺而刻石告後世盧照隣隱具茨山下預為墓  
區偃卧其中李適營墓樹十松未病時嘗往寢石榻  
上置所讀九經要句及素琴於前此皆在司空圖之  
先朱夫子亦為壽藏東人倣之國初多有之生碣生  
誄亦有之

# 合葬

檀弓季武子成寢杜氏之葬在西階之下請合葬焉  
武子曰合葬非古也自周公以來未之有改也又曰  
周公蓋祔然則合葬之制起于周公也按古人合葬  
不惟同穴而且同槨蓋取相親之意記云親之也者  
親之也生而同室死自不容相離故衛人之祔也離  
之魯人之祔也合之而孔子獨善魯然所謂離之者  
亦非異其槨但一槨而為二室耳畿內某縣得石槨  
內有三頭骨中大左右小必是三合葬同槨者也然  
則羅麗亦行同槨之禮堪輿家最忌兩穴或同槨而



用一室耶未可知也

### 改葬

中庸武王末受命追王太王王季疏云武王追王周公又改葬以王禮按左傳隱公元年冬十月改葬惠公惠公之薨也有宋師太子少故有闕是以改葬古人改葬蓋出於不得已鄭康成謂墳墓以他故崩壞將亡失尸柩者韓昌黎亦謂山崩水涌毀其墓及葬不脩禮者子思曰禮父母改葬總既葬而除之不忍無服送之親也非父母無服無服則吊服昌黎謂吊服加麻也余見改葬者多有水火木虫猶為茶飯而

有極重不可動者啓視之乃水磨卵石滿其中又去而視之枯骨貼在板底其理不可測矣是以人多惑之或有無故發塚者可勝歎哉

### 神道

神道自漢已然而光武立蘓嶺祠刻二石鹿夾神道又楊震碑首題太尉襄公神道碑銘又霍光傳光夫人侈大其塋制起三幽闕等神道蓋起於西漢也東國神道表謂之大達之文或立於墓庭雖因地勢非也東臯李公碑在十里之外月沙李公碑亦在路傍禮也

墓誌銘

墓誌銘之始王阮亭池北偶談謂事祖廣記引炙輠  
子以為始于王戎馮鑑事始以為始於西漢杜子春  
而高承事物紀原以為始於比干槎上老舌又引孔  
子之喪公西赤志之子張之喪公明儀志之以為墓  
志之始墓銘則其來已久而王儉謂始自宋元嘉中  
顏延之竊意古來銘墓但書姓名官位間或銘數語  
於其上而誥文叙事七臚述生平則起於顏延之耳神  
道墓表只一人製之而誌文非獨一人製之雖三數  
人亦製余見古文集曰某作某作有之余何贅為其



非一人之作可知也

碑表誌銘之別

曾子固文集有云碑表立於墓上誌銘則埋壙中此誌銘與碑表之異制也諸書所載如庾子山作崔公神道碑銘所謂思傳舊德宜勒黃金之碑楊盈川作建昌王公碑銘所謂邱陵標榜式建豐碑此碑之立於墓上者也賈昊所輯東海女郎及甄邯諸事皆從開冢而見又神僧傳寶誌公歿梁武帝命陸倕製銘于冢內司馬溫公誌呂誨云誨將死囑為其埋文誌張仲倩云誤次所聞納諸壙此誌銘之藏于墓中者

也故碑表有作于葬後者王荊公集中馬正惠葬于  
天禧而碑立於嘉祐賈魏公碑亦立既葬之明年杜  
子夏臨終作文曰魏郡杜鄴立志忠款犬馬未陳奄  
先草露骨肉歸于土魂無所不之何必故邱然後卽  
化長安北郭此爲宴息王阮亭引之以爲此又後人  
自作祭文及自撰墓誌之始也又後漢書趙岐傳岐  
久病勅兄子可立一負石于墓前刻之曰漢有逸人  
姓趙名嘉有志無時命也奈何此亦與杜子夏臨終  
作文同也此古規而東人事力每患不敷碑與誌不  
論早晚惟葬時納誌以石灰作幾片刻某之墓而已

國初燔瓷如灰片鋪於壙上尤貴今人多行之

### 行狀

吳曾能改齋漫錄云自唐以來未為墓誌必先有行狀蓋六朝以來已有之按梁書江淹為宋建太妃周氏行狀任昉裴子野皆有行狀俞文豹吹劍錄古來誌婦人者止曰碑曰誌未嘗稱行狀近有鄉人誌其母曰行狀不知何據按江淹建太妃周氏行狀已見南史則又不得謂婦人行狀之無本也東人多婦人行狀亦有言行錄遺事等文字

### 樂石



世俗誌銘之文每云刻之樂石蓋本嶧山碑文有刻之樂石之語而襲用之不知引用誤也禹貢嶧陽孤桐泗濱浮磬言泗水之濱有石可為磬始皇嶧山所刻卽用此磬石故謂之樂石他處刻石文不云樂石也文士通用之於碑碣誤矣說見顏師古注謬正俗大抵樂石非墓石也用於頌功德寺觀等處可乎以待具眼

### 李陵碑

史李陵降匈奴其說長余於右北平市肆見李陵碑圖題曰漢李陵墓碑又於演戲有李陵殉節狀此與

正史有異未可曰信蹟足可補或者之言意漢儒憐其心而成其圖以右太史之議也

董帖洛神賦足本

錦波大師舊藏本也周越跋云頭尾外得一十三行趙跋云先得九行復得四行則自前未有十三行定名也宣和書譜亦僅稱洛神賦不完本耳香光豈得臨足本乎抑以自意第錄其全文也余少時有人賣洛神圖九歌圖皆李龍眠作也九歌帖尚在余洛神圖未及收而被人先着去甚恨

書畫厄

古今書畫水火之厄同也江州蘓州書畫之蓄甲於天下丙丁之間洪秀泉亂大江以南成瓦礫之場蘓則火江則水二州之厄史牒所無而書畫之種滅矣萬里外人想像痛惜甚可笑而念虹月之晦天涯亦比隣也往年葉笙林以余隸一擔分度江南諸人笙林蘓州人也多藏秦漢古蹟於八萬卷樓未免此日之禍矣暇論一粟之於滄海也

毛延壽

顧寧人日知錄書毛延壽事引西京雜記以證之據此則漢法畫工圖後宮以進君王按圖而召幸之圖



昭君非匈奴求美人之時也當時畫工有毛延壽劉  
白龔寬陳敞樊育陽望等人則奚但指毛延壽一人  
而且受賂得罪不獨昭君以也詩人謂受賂在匈奴  
求美入時失之太甚而顧氏幽剔西京逸史彰其圖  
形之誤已在匈奴之前二說并行

### 三好

南史蕭琛常言少壯三好音律書酒汪蛟門有少壯  
三好圖小照余於此三者所不能者酒耳東坡三不  
如酒亦在其中余作酒史首引坡語而余之不如人  
者豈酒乎已哉碁與琴亦學之不能也

畫讀書十三則

王文成壽畫讀書十三則命題布置另出機杼所謂  
士氣作家俱備者意其門人之筆而姓名則忘之此  
為鎮川李氏萬卷樓插架中物不可再見也余今年  
六十髣想此畫倩手寫之而自壽寫其起居坐卧行  
住眠食拱立跪倚踞為目即余所自初而脩述居家  
雜儀無一言虛設也後之鑒者尚知余暮年閑適之  
趣也

李陶庵竹枝詞

灣商金欽之奴能傳李陶庵竹枝詞全本江南舉人

姓康者讚歎詞理之工傷奴之不過遂出秘藏董文  
敏山水以償之竹枝詞之誦傳天下可知也原圖倩  
姜彞五斫拂鉤染之

秋興唱酬卷

李希谷家宰止淵海谷樞密紀淵趙石崖尚書萬永  
雲石尚書寅永羽堂侍郎秉鉉權彞齋方伯敦仁李  
石見明府復鉉皆當世鴻儒哲匠作秋興詩送平薪  
紫霞所住處亦韻事也

隸書始於程邈

書斷云秦下邳人程邈字元岑為縣吏以罪下雲陽



獄精思十年蓋小篆方圓而得隸書三千字奏之始  
皇善之用為御史時以篆字難成乃用隸字以為隸  
人佐書務趨便捷故曰隸書是以古來皆以隸書為  
邈邈所作然封氏聞見記謂酈道元注水經云臨淄人  
發古冢得銅棺前和外隱起為隸字言齊太公六代  
孫胡公之棺惟三字是古篆餘同今書則知隸書非  
始於秦也封氏又謂此書在春秋之前已有之但諸  
國或用或不用程邈觀其省易有便於時故修改而  
獻非創造也然則隸書非起於邈矣又按許氏說文  
有序云秦李斯省改史籀大篆作小篆又有隸書以

趨約易云云似隸書亦李斯所作其下文又謂新莽  
改定六書一古文二奇字其三曰篆書即小篆秦始  
皇使下邳人程邈所作也四佐書即秦隸書云云是  
許氏於隸書不言程邈所作而反以小篆為邈作書  
體之變自古不一東國尤無考據之學以程邈知之  
惟尹五耘詳辨之

遠照老人隸書

孫澗如篆隸妙一世遠照尹仁恭曾在兩峯宅乘醉  
揮毫不知澗如之在座縱恣酣暢人有告以澗如者  
遠照大駭擲筆走謝澗如徐曰這樣寫也自可一座

為之大嘯余於笙林宅對案寫隸笙林之手不足使  
遠照酣飲恨不見淵如之神也

翁覃溪蘓詩補注

東坡逸詩方綱按此詩先生墨蹟已見前卷常潤道  
中寄陳述古詩補注內今查氏刻本據外集編入自  
密州移徐州時作按先生自密移徐在離州度歲是  
熙寧九年丙辰之冬事在癸丑倅杭之後三年矣又  
蔡帖內約綽新嬌一詩題云題壁詩帖後有公題云  
錢塘有美堂前小閣中壁上小書此詩蔡君謨真迹  
也陳述古摹刻軾在定香橋野店中觀之又蔡帖內



天際烏雲舍雨重一詩題云夢詩帖後有公題云此  
蔡君謨夢中詩也真迹在濟明家筆力道勁元祐五  
年二月四日蘇軾題後方綱竊意墨迹旣云又有人  
和云云不知誰作此題乃云不知為誰而作也和一  
首則不特和詩之出自先生作無疑而濰州驛壁定  
香橋店亦皆不必泥於其地矣余所藏先生墨迹後  
無題署年月然其曰僕在錢塘則是初倅杭事而此  
迹為追憶書之是熙寧甲寅以後數年間所書若以  
濰州度歲論之則此墨迹或即係熙寧十年丁巳所  
書耳墨迹後有虞道園詩並跋跋云柯敬仲多蓄魏

晉法書至宋人書殆百十函隨以與人弗留也他日  
獨見此軸在几格間甚恠之及取觀則吾坡翁書蔡  
君謨夢中詩及守居閣中舊題也第三詩以為不知  
何人作其軒轅彌明之流歟至順辛未二月望日蜀  
人虞集書

子午泉

紀文達昀舊宅今屬葉東卿有所謂子午泉泉味鹹  
一日十二時中惟子初午正二時清脉湧出甘冽異  
常過時爲則依舊鹹也玉壺李尚書肇源之使還也  
東卿詩託玉壺遍求東人題詠余癖於水飲僧伽泉

子正水最冷子則天一生水之理而子午相冲午亦  
如之又於東井水吸子正水一椀謹痞崇春以鳳儀  
山下有子午泉皆余所經歷也

來霞閣

紫霞補平薪鎮臨歸題額於諸處其正堂曰來霞閣  
效東坡來蘓故事也命其子準刻之記得淮陽府引  
汲長孺卧治之義名之曰卧治軒今此來霞之稱有  
勝乎卧治之擬倣也

休谷題額

豐德休谷有余傍祖忠定公墓舍白下尹公書揭休



谷雨舍四字大如椀純正無雕飾深得米趙心畫余  
見尹公之書多而未有若此書之道逸可敬雲石趙  
公宅有大屏白緞臨趙文敏赤壁賦者巨觀也其家  
謚筵諸相公俱會金游觀躡余曰公其觀此屏游觀  
習知其為寶而較諸四字額正畫不及也

嘉隆玉佩

柳惠風冷齋書種曰方寸玉一片羊脂色瓊螭首一  
面刻山水平橋漁舟遠塔微微可辨一面刻詩云綠  
莎白石滿河洲渺渺平沙帶淺流紅樹青山無路入  
行春橋畔覓漁舟小印文曰子剛成川府民耕田拾


得獻于府使府使之子應詩妓一枝紅與之佩後歸  
邑子某府使某以重價取之詩情畫意俱極縹緲刻  
法又神必是中國物但未知子剛之為何代人以待  
後查按成都民墾荒塚間得此玉獻之官遂歸於一  
枝紅紅又情贈富民某甲後鄭府使取為寵姬之飾  
姬居燕子樓者且十年售玉以資衣食窘此玉又歸  
於侯門之絕艷玉自出土來凡三易主而三噪於世  
蓋尤物也有一嗜古者購求於艷艷竟剗敝不出手  
云子剛姓陸氏徐文長水仙花詩云畧有風情陳妙  
常絕無烟花杜蘭香昆吾鋒盡終難似愁殺蘓州陸


子剛自注云陸子剛蘓人碾玉妙手也据此則子剛為文長同時之人而此玉為明嘉隆間古物無疑也

眉叟玉鷺

許文正穆少時往其外祖林白湖家見一塊石在庭中請持歸之林公曰此石我得之田間而不意有之見也遂破之中有一小玉白湖曰意謂其大及見小矣使作玉鷺許公即其席手刻之傳為至寶韓公致應為兵判借用之一日忽心動使之還本主曰古家神物不必久留是夕火其家舍什物書籍皆不能保而玉鷺得全




















卯

林

下

謝

記